

შსს სსიპ-დაცვის პოლიციის დეპარტამენტი



სატენდერო დოკუმენტაცია

**CPV 50110000 - ავტომობილებისა და მათთან დაკავშირებული მოწყობილობების
შეკეთება და ტექნიკური მომსახურება**

ელექტრონული ტენდერი

სახელმწიფო შესყიდვების ერთიან ელექტრონულ სისტემაში (შემდგომში-სისტემა) შესყიდვის პროცედურები ხორციელდება საქართველოს კანონის "სახელმწიფო შესყიდვების შესახებ" და "გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ" სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების საფუძველზე.

ქ. თბილისი

2014

ტექნიკური დოკუმენტაცია

1. ტექნიკური დავალება

1.1 საქართველოს შსს დაცვის პოლიციის დეპარტამენტის ბალანსზე რიცხული 1 (ერთი) ერთეული ლენდროვერ - „რენჯროვერ LM 4.2“ მარკის ავტომანქანის შეკეთება და ტექნიკური მომსახურება.

ა/მანქანის მარკა	გამოშვების წელი	ძრავის მოცულობა	რაოდენობა
ლენდროვერ - „რენჯროვერ LM 4.2“	2007	4.2	1 ერთეული

1.2 მომსახურების გაწევის ადგილი - ქ.თბილისი.

1.3 მომსახურების გაწევის ვადა - ხელშეკრულების გაფორმებიდან 2014 წლის 31 დეკემბრის ჩათვლით, შემსყიდველის მოთხოვნის შესაბამისად, დაუყოვნებლივ, რიგგარეშე, ამასთან მომსახურების ვადა თითოეულ შემთხვევაზე არ უნდა აღემატებოდეს:

1.3.1 სავალ ნაწილები - ერთიდან ორ დღემდე.

1.3.2 ელექტრობა - ერთიდან სამ დღემდე.

1.3.3 აგრეგატები - ერთიდან სამ დღემდე.

1.3.4 სათუნუქე - სამღებრო სამუშაოები - ერთიდან ათ დღემდე.

1.3.5 თუ მომსახურება ეხება ძრავის კაპიტალურ რემონტს, მაშინ მომსახურების ვადა განისაზღვრება ათი დღით.

შენიშვნა: თუ ავტომანქანის შეკეთებისას საჭირო გახდა დეფიციტური სათადარიგო ნაწილის გამოყენება (რამოდენიმე დეფიციტური ნაწილის არსებობის შემთხვევაში უნდა მოხდეს მათი ერთობლივად შეკვეთა), შესაძლებელია მომსახურების გაწევის დრო გაიზარდოს არაუმეტეს 25 კალენდარულ დღემდე. მიმწოდებელმა დეფიციტური ნაწილის შესახებ ინფორმაცია წერილობით უნდა აცნობოს შემსყიდველს მომსახურების დაწყებიდან არაუგვიანეს 3 (სამი) დღისა, რომელსაც თან უნდა დაერთოს შეკვეთის დამადასტურებელი დოკუმენტი (დოკუმენტის ასლი).

1.4 ტექნიკური შესაძლებლობები - პრეტენდენტს უნდა გააჩნდეს საჭირო ძირითადი და სათადარიგო მანქანა-დანადგარების საწარმოო სიმძლავრეები.

1.5 გაწეულ მომსახურებაზე და შეცვლილ ნაწილებზე უნდა ვრცელდებოდეს გარანტია:

1.5.1 აგრეგატები და ელექტრობა - არანაკლებ 1 წელი.

1.5.2 სათუნუქე-სამღებრო სამუშაოები - არანაკლებ 1 წელი.

1.5.3 სავალ ნაწილები - არანაკლებ 1 წელი.

1.5.4 საგარანტიო პერიოდში მიმწოდებელი ვალდებულია დაუყოვნებლივ, შემსყიდველის ზედმეტი დანახარჯების გარეშე, აღმოფხვრას აღმოჩენილი წუნი და მისგან გამოწვეული დაზიანება.

1.6 დანართი №1-ში (პრეისკურანტი) წარმოდგენილი ყველა მომსახურება არის ერთი მთლიანი დასრულებული ციკლი და მათი დაყოფა არ შეიძლება სხვადასხვა სამუშაოებად. პრეისკურანტში მითითებული თითოეული მომსახურების ღირებულება მოიცავს ყველა იმ სამუშაოს ერთობლიობას, რომელიც დაკავშირებულია მის შესრულებასთან.

1.7 პრეისკურანტში ავტოსატრანსპორტო საშუალების ტექნიკური მომსახურების რომელიმე ერთეულის არარსებობისას, აღნიშნული ერთეულის ფასი მისი შესყიდვის აუცილებლობისას, დგინდება შემსყიდველი ორგანიზაციისა და მიმწოდებლის შეთანხმებით საბაზრო ფასის გათვალისწინებით. ასეთ შემთხვევაში პრეისკურანტში ავტოსატრანსპორტო საშუალების ტექნიკური მომსახურების ერთეულის

არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს.

შენიშვნა: ტენდერში ვაჭრობა გაიმართება განფასების ცხრილების, პრეისკურანტის ჯამურ სავარაუდო ღირებულებაზე, მაგრამ პრეტენდენტს უფლება არ აქვს განფასების ცხრილების პრეისკურანტის თითოეულ პოზიციაზე მითითებულ სავარაუდო ფასზე მეტის წარმოდგენის.

ელექტრონული ვაჭრობის შედეგად პრეისკურანტის ფასის შემცირების შემთხვევაში, ფასთა კლება პროცენტულად და პროპორციულად აისახება დანართი №1-ში (პრეისკურანტი) მოცემულ ერთეულის ფასებზე. (პროპორციულად დაკლებული ფასები უნდა იყოს დამრგვალებული მეასედებამდე სიზუსტით).

2. პრეტენდენტის მიერ სისტემაში ასატვირთი დოკუმენტაცია:

2.1 დანართი №1 (პრეისკურანტი), ხელმოწერილი და ბეჭდით (ბეჭდის არსებობის შემთხვევაში) დადასტურებული შესაბამისი უფლებამოსილი პირის მიერ:

2.2 დანართი №2 (პრეტენდენტის რეკვიზიტები), ხელმოწერილი და ბეჭდით (ბეჭდის არსებობის შემთხვევაში) დადასტურებული შესაბამისი უფლებამოსილი პირის მიერ:

2.3 ავტოსერვისის მისამართი, ინფორმაცია მატერიალურ ტექნიკური ბაზის და მომსახურე პერსონალის შესახებ.

2.4 ინფორმაცია გაწეულ მომსახურებაზე და შეცვლილ ნაწილებზე საგარანტიო ვადების შესახებ (1.5 პუნქტის შესაბამისად).

2.5 პრეტენდენტმა მწარმოებლის ცენტრალური ოფისიდან უნდა წარმოადგინოს დოკუმენტი მასზედ, რომ იგი არის ლენდოვერის ავტომანქანების ნაწილების და აქსესუარების ოფიციალური ავტორიზებული დისტრიბუტორი საქართველოში (უცხოურ ენოვანი დოკუმენტის შემთხვევაში უნდა დაერთოს ნოტარიულად დამოწმებული ქართული თარგმანი) და ასევე პრეტენდენტს უნდა გააჩნდეს არანაკლებ ორი ავტორიზებული სერვისცენტრი.

2.6 ინფორმაცია ანალოგიური გამოცდილების შესახებ (არანაკლებ 2 წლიანი) საქართველოს ტერიტორიაზე (შემსყიდველის მოთხოვნის შემთხვევაში პრეტენდენტმა უნდა წარმოადგინოს გაფორმებული ხელშეკრულებ(ებ)ი).

3. საკვალიფიკაციო მოთხოვნები:

3.1 იურიდიული პირებისათვის:

- ა) ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან.
- ბ) ცნობა საქართველოს საჯარო რეესტრის ეროვნული სააგენტოდან, იურიდიული პირის ქონებაზე საჯარო სამართლებრივი შეზღუდვის (ყადაღის) არარსებობის შესახებ;
- გ) ცნობა შემოსავლების სამსახურიდან ბიუჯეტის წინაშე დავალიანების არარსებობის შესახებ.

3.2 ინდივიდუალური მეწარმეთათვის:

- ა) ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან.
- ბ) ცნობა საქართველოს საჯარო რეესტრის ეროვნული სააგენტოდან, იურიდიული პირის ქონებაზე საჯარო სამართლებრივი შეზღუდვის (ყადაღის) არარსებობის შესახებ;
- გ) ცნობა შემოსავლების სამსახურიდან ბიუჯეტის წინაშე დავალიანების არარსებობის შესახებ.

3.3 ფიზიკური პირებისათვის:

- ა) ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუნარობის საქმის წარმოება;
- ბ) ცნობა სსიპ შემოსავლების სამსახურიდან ბიუჯეტის წინაშე არსებული დავალიანების შესახებ;

4. საკვალიფიკაციო მონაცემების დამადასტურებელი დოკუმენტები შესაბამისი ორგანოებიდან გაცემული უნდა იყოს 2011 წლის 7 აპრილის სახელმწიფო შესყიდვების სააგენტოს თავმჯდომარის "გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ" #9 ბრძანების მე-2 მუხლის პირველი პუნქტის "ლ" ქვეპუნქტით გათვალისწინებული ეტაპის (წინადადებების მიღება დაწყებულია) დაწყების შემდეგ, ხოლო არარეზიდენტი პრეტენდენტის შემთხვევაში საკვალიფიკაციო მონაცემების დამადასტურებელი დოკუმენტები გაცემულ უნდა იყოს წინადადების მიღების ეტაპის დაწყებამდე არაუგვიანეს ოცდაათი კალენდარული დღისა. აღნიშნული დოკუმენტები წარმოდგენილი უნდა იყოს შემსყიდველ ორგანიზაციაში შემსყიდველის მოთხოვნიდან არაუმეტეს **3 (სამი)** სამუშაო დღისა. არარეზიდენტმა პრეტენდენტმა შესაბამისი დოკუმენტები უნდა წარმოადგინოს გაცემული თავიანთი ქვეყნის შესაბამისი უფლებამოსილი ორგანოებიდან, რომლებიც თარგმნილი უნდა იყოს ქართულ ენაზე და ნოტარიულად დამოწმებული. საკვალიფიკაციო მონაცემების დამადასტურებელი დოკუმენტები არ ექვემდებარება შემდგომ დაზუსტებას.

5. პრეტენდენტები ვერ გაივლიან შერჩევას თუ სატენდერო წინადადება არ შეესაბამება სატენდერო დოკუმენტაციისა და/ან სატენდერო განცხადების მოთხოვნებს, გარდა იმ შემთხვევისა, როდესაც სატენდერო წინადადება შეიცავს ისეთ უზუსტობებს, რომლის შემდგომი წარმოდგენა ან/და დაზუსტება არ გამოიწვევს ტექნიკური დოკუმენტაციის არსებით ცვლილებას და არ მოახდენს გავლენას წინადადების ფასზე. პრეტენდენტმა აღნიშნული უზუსტობები უნდა წაროადგინოს შემსყიდველის მიერ შეტყობინების გაგზავნიდან არაუმეტეს **3 (სამი)** სამუშაო დღეში.

6. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტის მინიჭების საკითხს წყვეტს სატენდერო კომისია.

7. სახელმწიფო შესყიდვების ერთიან ელექტრონულ სისტემაში (შემდგომში-სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არარსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთული უნდა იქნას მინდობილობა ან რწმუნებულება).

8. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

9. პრეტენდენტს არ აქვს უფლება წარმოადგინოს ალტერნატიული სატენდერო წინადადება.

10. სატენდერო წინადადება წარმოდგენილი უნდა იყოს ქართულ ენაზე.

11. სახელმწიფო შესყიდვის დაფინანსების წყარო:

ს.ს.ი.პ დაცვის პოლიციის დეპარტამენტის 2014 წლის საკუთარი სახსრები.

12. ანგარიშსწორების პირობები:

12.1 სატენდერო წინადადების ფასი წარმოდგენილი უნდა იყოს მხოლოდ ლარებში, საერთო და ერთეულის ფასი უნდა შეიცავდეს როგორც შესყიდვის ობიექტის მიწოდებასთან დაკავშირებულ ყველა ხარჯს, ასევე **დ.ღ.გ-ს** და საქართველოს კანონმდებლობით გათვალისწინებულ ყველა გადასახადს.

12.2 ანგარიშსწორება მიმწოდებელთან განხორციელდება ეტაპობრივად, უნაღდო ანგარიშსწორებით, ლარებში, მიმწოდებლის საბანკო ანგარიშზე, დათვალიერების აქტის, პროფორმა-ინვოისის, სამუშაოს შესრულების აქტის, ხარჯთაღრიცხვის (ინვოისი) და საგადასახადო ანგარიშგაქტურის წარმოდგენიდან **30 (ოცდაათი) დღის** განმავლობაში;

12.3 მიმწოდებელმა უნდა უზრუნველყოს გაწეული მომსახურების დამადასტურებელი დოკუმენტაციის სსიპ-დაცვის პოლიციის დეპარტამენტის საფინანსო-სამეურნეო უზრუნველყოფის სამმართველოში მიწოდება მომსახურების დასრულებიდან არაუგვიანეს 5 (ხუთი) დღის ვადაში, წინააღმდეგ შემთხვევაში შემსყიდველი უფლებას იტოვებს არ განხორციელოს აღნიშნული გაწეული მომსახურების ღირებულების დაფარვა.

12.4 გადახდის წინასწარი მექანიზმი (ავანსი) არ გამოიყენება.

13. ხელშეკრულების შესრულების გარანტია:

13.1 იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალი იქნება შესაბამისი ტენდერის შესყიდვის ობიექტის სავარაუდო ღირებულებაზე, შემსყიდველ ორგანიზაციას უფლება აქვს გამარჯვებულ მიმწოდებელს მოსთხოვოს ხელშეკრულების შესრულების გარანტია 2%-დან 10%-მდე ოდენობით. თეთრ სიაში დარეგისტრირებული მიმწოდებლის შემთხვევაში აღნიშნული ოდენობა ნახევრდება.

ხელშეკრულების პროექტი
სახელმწიფო შესყიდვის ხელშეკრულება N01/501/___

ელექტრონული ტენდერი SPA

(CPV 50110000 - ავტომობილებისა და მათთან დაკავშირებული მოწყობილობების შეკეთება და ტექნიკური მომსახურება)

ქ. თბილისი

___ 2014 წელი

ხელშეკრულების დამდები მხარეები:

საქართველოს შინაგან საქმეთა სამინისტროს სსიპ დაცვის პოლიციის დეპარტამენტი, შემდგომში „შემსყიდველი“, წარმოდგენილი მისი თავმჯდომარის გურამ ტომარაძის სახით და (-----) , შემდგომში „მიმწოდებელი“, წარმოდგენილი მისი დირექტორის ----- სახით, ორივე ერთად წოდებული როგორც „მხარეები“, ვმოქმედებთ რა „სახელმწიფო შესყიდვების შესახებ“ საქართველოს კანონის საფუძველზე, ელექტრონული ტენდერის (SPA-----) ჩატარების შედეგად და სატენდერო დოკუმენტაციის შესაბამისად ვდებთ წინამდებარე ხელშეკრულებას:

1. ხელშეკრულების საგანი

შსს სსიპ-დაცვის პოლიციის დეპარტამენტის მიერ, ელექტრონული ტენდერის მეშვეობით, დეპარტამენტის კუთვნილი ავტო მანქანებისათვის მიმდინარე რემონტის შესყიდვა:

ა/მანქანის მარკა	გამოშვების წელი	ძრავის მოცულობა	რაოდენობა
ლენდროვერ - „რენჯროვერ LM 4.2“	2007	4.2	1 ერთეული

2. ხელშეკრულების ღირებულება

2.1 ხელშეკრულების ღირებულებაა 10 000 (ათი ათასი) ლარი. პრეისკურანტის საერთო ღირებულებაა ----- ლარი.

2.3 ხელშეკრულების ღირებულება მოიცავს, როგორც მისაწოდებელი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს, დ.ღ.გ.-ს და საქართველოს კანონმდებლობით გათვალისწინებულ ყველა გადასახადს;

2.4 შესყიდვა ხორციელდება ს.ს.ი.პ. დაცვის პოლიციის დეპარტამენტის 2014 წლის საკუთარი სახსრებით.

3. მომსახურების გაწევის პირობები

3.1 2014 წლის 31 დეკემბრის ჩათვლით, შემსყიდველის მოთხოვნის შესაბამისად, დაუყოვნებლივ, რიგგარეშე, ამასთან მომსახურების ვადა თითოეულ შემთხვევაზე არ უნდა აღემატებოდეს:

- ა) სავალ ნაწილები - 1 - 2 დღე;
- ბ) ელექტრობა - 1-3 დღე;
- გ) აგრეგატები - 1- 3 დღე;
- დ) სათუნუქე-სამდებრო სამუშაოები - 1 - 10 დღე.

ე) თუ მომსახურება ეხება ძრავის კაპიტალურ რემონტს, მაშინ მომსახურების ვადა განისაზღვრება 10 დღით.

შენიშვნა: თუ ავტოტექნომომსახურება ეხება დეფიციტური სათადარიგო ნაწილით უზრუნველყოფას (რამოდენიმე დეფიციტური ნაწილის არსებობის შემთხვევაში უნდა მოხდეს მათი ერთობლივად შეკვეთა), მომსახურების გაწევის დრო შესაძლებელია გაიზარდოს არაუმეტეს 25 კალენდარულ დღემდე. მიმწოდებელმა დეფიციტური ნაწილის შესახებ ინფორმაცია წერილობით უნდა აცნობოს შემსყიდველს მომსახურების დაწყებიდან არაუგვიანეს 3 (სამი) დღისა, რომლისაგან თან უნდა დაერთოს შეკვეთის დამადასტურებელი დოკუმენტი (დოკუმენტის ასლი).

3.2 მომსახურების გაწევის ადგილებია: ქ. თბილისი.

3.3 მიმწოდებელმა ავტომანქანის სრული დათვალიერების აქტი (ყველა ხარვეზის მითითებით) და პროფორმა ინვოისი, იგივე ან მომდევნო სამუშაო დღეს, უნდა გადმოუზღავნოს შემსყიდველს მითითებულ ელ. მისამართზე -----.

3.4 მიმწოდებელმა კონკრეტული მომსახურების დასრულების შემდეგ, იგივე ან მომდევნო სამუშაო დღეს, უნდა გადმოუზღავნოს ელექტრონულად საბოლოო ინვოისი ელ. მისამართზე: -----, რომლის პრეისკურანტთან შესაბამისობის დადგენის შემდეგ დადასტურდება შემსყიდველის მიერ.

4. ფასი

4.1 წარმოდგენილი ფასი მოიცავს კანონმდებლობით განსაზღვრულ ყველა გადასახადს;

4.2 თითოეული მომსახურებისა და სათადარიგო ნაწილების ფასები არის გათვალისწინებული წინამდებარე ხელშეკრულების **დანართი №1**-ში (პრეისკურანტი);

4.3 დანართი №1-ში (პრეისკურანტი) წარმოდგენილი ყველა მომსახურება არის ერთი მთლიანი დასრულებული ციკლი და მათი დაყოფა არ შეიძლება სხვადასხვა სამუშაოებად. პრეისკურანტში მითითებული თითოეული მომსახურების ღირებულება მოიცავს ყველა იმ სამუშაოს ერთობლიობას, რომელიც დაკავშირებულია მის შესრულებასთან.

4.4 პრეისკურანტში ავტოსატრანსპორტო საშუალების ტექნიკური მომსახურების რომელიმე ერთეულის არარსებობისას, აღნიშნული ერთეულის ფასი მისი შესყიდვის აუცილებლობისას, დგინდება შემსყიდველი ორგანიზაციისა და მიმწოდებლის შეთანხმებით საბაზრო ფასის გათვალისწინებით. ასეთ შემთხვევაში პრეისკურანტში ავტოსატრანსპორტო საშუალების ტექნიკური მომსახურების ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს.

5. ხარისხი და გარანტია

5.1 მომსახურება უნდა იყოს მაღალი ხარისხის, შეესაბამებოდეს სატენდერო დოკუმენტაციის მოთხოვნებს და ექვემდებარებოდეს არსებულ სტანდარტებს;

5.2 გაწეულ მომსახურებაზე და შეცვლილ სათადარიგო ნაწილებზე უნდა ვრცელდებოდეს **საგარანტიო ვადა:**

ა) აგრეგატები და ელექტრობაა - 1 წელი;

ბ) სათუნუქე-სამღებრო სამუშაოები - 1 წელი;

გ) სავალი ნაწილები - 1 წელი;

5.3 საგარანტიო პერიოდში მიმწოდებელი ვალდებულია დაუყონებლივ, საკუთარი ხარჯებით, უზრუნველყოს აღმოჩენილი წუნის და მისგან გამოწვეული დაზიანების აღმოფხვრა.

5.4 მიმწოდებელი ვალდებულია ავტომატური ტექნიკური დათვალიერების დროს დააფიქსიროს ყველა ის ტექნიკური ხარვეზი, რომელიც გააჩნია ავტომატურ დათვალიერების პერიოდში.

6. ხელშეკრულების შესრულების კონტროლი

6.1 შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი, მიმწოდებლის მიერ ნაკისრი ვალდებულებების შესრულებაზე, რათა დარწმუნდეს მათ შესაბამისობაში სატენდერო დოკუმენტაციით გათვალისწინებულ ტექნიკურ პირობებთან;

6.2 შემსყიდველის მხრიდან კონტროლს განახორციელებს საფინანსო-სამეურნეო უზრუნველყოფის სამმართველოს ტრანსპორტის განყოფილება;

6.3 მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დარღვევის ან ნაკლის აღმოფხვრა;

6.4 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა მომსახურების პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი;

6.5 ამ მუხლის არცერთი მუხლი არ ათავისუფლებს მიმწოდებელს მოცემული ხელშეკრულების საგარანტიო ან სხვა ვალდებულებებისაგან.

7. მომსახურების მიღება-ჩაბარების წესი

7.1 მიწოდებული მომსახურებაზე, მათ შორის ეტაპობრივზეც, ფორმდება სამუშაოს შესრულების აქტი წერილობითი ფორმით, მხარეთა უფლებამოსილი წარმომადგენლების ხელის მოწერით;

7.2 მომსახურების მიღებას აწარმოებს სსიპ დაცვის პოლიციის დეპარტამენტის შესაბამისი სამსახური;

7.3 თუ სამუშაოს შესრულების აქტი უნდა გაფორმდეს განსაზღვრულ დღეს და ეს დღე ემთხვევა არასამუშაო დღეს, მაშინ სამუშაოს შესრულების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიწოდების ვადის გადაცილებად;

7.4 შესყიდვის ობიექტი ან მისი ნაწილი (ეტაპი) მიღებულად ჩაითვლება, მხოლოდ შესაბამის აქტის და ხარჯთაღრიცხვის (ინვოისი) მხარეების მიერ დადასტურების შემდეგ;

8. ანგარიშსწორება

8.1 ანგარიშსწორების ვალუტა ლარი;

8.2 ანგარიშსწორების ფორმა უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად;

8.3 ანგარიშსწორება განხორციელდება მიმწოდებლის საბანკო ანგარიშზე, დათვალიერების აქტის, პროფორმა-ინვოისის, სამუშაოს შესრულების აქტის, ხარჯთაღრიცხვის (ინვოისი) და საგადასახადო ანგარიშჟაქტურის წარმოდგენიდან **30 (ოცდაათი) დღის** განმავლობაში;

8.4 ანგარიშსწორება განხორციელდება ამ მუხლის **8.3** პუნქტით გათვალისწინებულ დოკუმენტების შესაბამისად;

8.5 თუ ანგარიშსწორება უნდა შესრულდეს განსაზღვრულ დღეს და ეს დღე ემთხვევა არასამუშაო დღეს, მაშინ ანგარიშსწორება შესაძლებელია განხორციელდეს მომდევნო სამუშაო დღეს.

8.6 მიმწოდებელმა უნდა უზრუნველყოს გაწეული მომსახურების დამადასტურებელი დოკუმენტაციის სსიპ-დაცვის პოლიციის დეპარტამენტის საფინანსო-სამეურნეო უზრუნველყოფის სამმართველოში მიწოდება მომსახურების დასრულებიდან არაუგვიანეს 5

(ხუთი) დღის ვადაში, წინააღმდეგ შემთხვევაში შემსყიდველი უფლებას იტოვებს არ განხორციელოს აღნიშნული გაწეული მომსახურების ღირებულების დაფარვა.

9.პასუხისმგებლობა ხელშეკრულების პირობების შეუსრულებლობისათვის

9.1 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების, ასევე ხელშეკრულებაში მითითებული ვადების გადაცდენის შემთხვევაში მიმწოდებელს ეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების **0.2%** ოდენობით;

9.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების **5%** (ხუთი), შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტამდე გადასახდელი პირგასამტეხლოს ანაზღაურება.

9.3 პირგასამტეხლოს გადახდა ან ხელშეკრულების შეწყვეტა არ ათავისუფლებს მხარეებს ძირითადი ვალდებულებების შესრულებისაგან.

10.ხელშეკრულებაში ცვლილების შეტანა

10.1 არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა;

10.2 თუ რაიმე წინასწარ გაუთვალისწინებელი მიზეზების გამო წარმოიშვა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია;

10.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის **398-ე** მუხლით გათვალისწინებული შემთხვევებისა.

10.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11.ხელშეკრულების შეწყვეტა

11.1 შემსყიდველსა და მიმწოდებელს შორის ურთიერთშეთანხმების საფუძველზე, შემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;

11.2 ხელშეკრულების შეწყვეტა პირობების დარღვევის გამო, არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისგან;

11.3 შემსყიდველი, ხელშეკრულების სრული ან ცალკეული პირობების შეწყვეტის გადაწყვეტილების მიღებისას, ვალდებულია შეატყობინოს მიმწოდებელს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მიმწოდებელს გადაწყვეტილების ძალაში შესვლამდე;

11.4 ხელშეკრულების შეწყვეტა არ ათავისუფლებს მხარეებს ძირითადი ვალდებულებების შესრულებისაგან.

12.ფორს-მაჟორი

12.1 მიმწოდებლის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

12.2 ამ მუხლის მიზნებისთვის “ფორს-მაჟორი” ნიშნავს მხარეებისთვის გადაულახავ და მათი კონტროლისგან დამოუკიდებელ გარემოებებს, რომლებიც არ არიან დაკავშირებული

შემსყიდველისა და/ან მიმწოდებლის შეცდომებსა და დაუდევრობასთან, რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

12.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ მიმწოდებელი შემსყიდველის მხრიდან არ მიიღებს წერილობით პასუხს, იგი აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

13. დავების გადაწყვეტის წესი

13.1 შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი ხელშეკრულების ან მასთან დაკავშირებული კომპონენტის ირგვლივ.

13.2 თუ მოლაპარაკებების დაწყების დღიდან 30 დღის განმავლობაში შემსყიდველი და მიმწოდებელი ვერ შეძლებენ სადაო საკითხების შეთანხმების მოგვარებას, მხარეებს შეუძლიათ დადგენილი წესით მიმართონ სასამართლოს კანონმდებლობით დადგენილი წესის შესაბამისად.

14. ინტერესთა კონფლიქტი

შემსყიდველის მხრიდან ხელშეკრულებაზე ხელმოწერი პირი “სახელმწიფო შესყიდვების შესახებ” საქართველოს კანონის მე-8 მუხლის შესაბამისად წინამდებარე ხელშეკრულებაზე ხელმოწერით ადასტურებს, რომ მისი მონაწილეობა აღნიშნულ შესყიდვაში არ იწვევს ინტერესთა კონფლიქტს.

15. დამატებითი პირობები

15.1 წინამდებარე ხელშეკრულების ყველა ცვლილება და დამატება ძალაშია მხოლოდ იმ შემთხვევაში, თუ ისინი შეტანილია წერილობითი სახით და ხელმოწერილია ორივე მხარის სრულუფლებიანი წარმომადგენლის მიერ;

15.2 წინამდებარე ხელშეკრულება შედგენილია ორი თანაბარი იურიდიული ძალის მქონე ეგზემპლარად ქართულ ენაზე და ინახება: ერთი “შემსყიდველთან” და ერთი “მიმწოდებელთან”.

16. ხელშეკრულების მოქმედების ვადა

16.1 წინამდებარე ხელშეკრულება ძალაში შედის მხარეთა ხელმოწერის დღიდან და მოქმედებს **2015 წლის 31 იანვრის ჩათვლით**;

16.2 ხელშეკრულების მოქმედების ვადის დასრულება არ ათავისუფლებს მხარეებს ხელშეკრულების მოქმედების პერიოდში ნაკისრი ვალდებულებებისგან.

16.3 ქვემოთ ჩამოთვლილი დოკუმენტაცია ითვლება ხელშეკრულების განუყოფელ ნაწილად:

- სატენდერო დოკუმენტაცია.
- პრეტენდენტის მიერ წარმოდგენილი სატენდერო წინადადება და ფასების ცხრილი (პრეისკურანტი).

17. მხარეთა რეკვიზიტები:

შემსყიდველი: ს.ს.ი.პ. დაცვის პოლიციის დეპარტამენტი	მიმწოდებელი:

დანართი №2

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული მისამართი:

პრეტენდენტის ფაქტიური მისამართი:

საიდენტიფიკაციო კოდი:

პრეტენდენტის ოფისის ტელეფონის ნომერი:

მობილური ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიში:

დამატებითი ინფორმაცია:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. თბილისი, დავით აღმაშენებლის ხეივანი, მე-11 კილომეტრი, დაცვის პოლიციის დეპარტამენტი, საკონტაქტო პირი: ზურაბ დეკანოიძე ტელ: 577 600 400; ელ-ფოსტა: z.dekanoidze@spd.ge